

26. juli 2016

Inatsisartut suleriaasianni § 37 naapertorlugu matumuuna Naalackersuisunut imaattunik apeqquteqaatinik saqqummiussivunga:

**Apeqqut:**

- 1. Naalackersuisut isumaqarpat nunatta eqqaaviisa ingerlanneqarnerat aaqqissugaanerallu naammaginatsumik ullumikkut inatsisaasut naapertorlugit qulakkeersimaneqar-toq?**
- 2. Eqqaaviit malittarisassat atuuttut naapertorlugit Naalackersuisunit avatangiisunut attuumassutilitigut akuerineqaqqaassappat, aammalu Naalackersuisut periarfissaqar-pat akuersinermikkut toqqammavilersuissallutik?**
- 3. Naalackersuisut isumaqarpat immikkut malittarisassiuussinnissaq pisariaqartoq s.a. nalunaarusiornikkut aalajangersarlugu eqqaaviit ingerlanneqarnissaat aaqqissunne-qarnissaallu pillugu – tamanna ima ilusilerneqarluni piumasaqaatit malittarisassallu atuukkiartuaarnissaat ukiut siumut aalajangeriikkaat iluanni, taaamaalilluni kom-muunit malittarisassanik nutaanik atuutsitsinermi malinnaasinnaanissaat siunertara-lugu?**
- 4. Naalackersuisut naliliinerat naapertorlugu Nunatta eqqaaveqarfii allanngortiterneqar-nissaanut taarsorsorneqarnissaannullu aningaasartuutaasussat qanoq annertutigissap-pat, eqqakkat nakkutigilluarneqarsinnaasut aammalu peqqissutsikkut avatangiisimu-llu illersorneqarsinnaasumik ingerlanneqarsinnaallutillu aaqqissuunneqarnissaat anguniarlugu? Aningaasartuutigineqartussat qanoq kommuuninit Namminersorneru-sunit akilerneqarumaarpat?**

(Inatsisartuni ilaasortaq, Laura Tàunâjik, Siumut)

**Tunngavilersuutit:**

Illoqarfinni nunaqarfinnilu eqqaavigut nakkutigineqarsinnaanngitsumik aaqqissugaallutillu ingerlanneqarput.

Eqqaaviit amerlanersaat eqqarsaatigalugit eqqakkat qallersorneqarneq ajorput, tamannalu peqqinnissaqarnikkut toqqissisimananngitsumik kinguneqartarpoq eqqaaviillu taamaattut aamma naajanik tulukkanillu najorneqartuaannarput.

Eqqaaviit massakkt aqqissugaanerat pissutaalluni eqqakkt imerpalasortallit nunamut kuuginnarput, tipeqarput, kiisalu eqqakkanik ikuallaasoqartillugu pujorsunnittoqarluni.

Eqqaaviit ilai naapertuutinngitsumik inissitaapput, s.a. eqqaani illoqartoqarluni najugaqartoqarluni aamma/imaluunniit sineriammut qanippallaarlutik, eqqaaviup immamut sisooriataaginnarsinnaalluni.

Eqqaaviit ilai aamma eqqakkanut ulorianartunut utaqqiisaagallartumik atorneqarput, tamatumani eqqakkt ilai Danmarkimukaatassaallutik tasamani suliareqqitassaasarmata. Naak eqqakkt taamaattut uninngagallaraluartut apeqqutaavoq, ilumut avatangiisit eqqarsaatigalugit illersorneqarsinnaanersoq.

Illoqarfiit nunaqarfiillu ilai ikuallaavittallit eqqaavitsik ikuallannikunut ilioraavittut atortarpaat, imatut paasillugu ikuallaavimmi eqqakkanik ikuallaanermi sinnikkunut (slagger). Sinnikut taamaattut akuutissanik uloriarnartunik akoqartarput, tamakkualu eqqaavimmi toqqortaritinneqarnerat eqqaaviit aqqissugaannginnerat eqqarsaatigalugu ajornartorsiutaavoq.

Kiisalu aamma eqqaaveqarpoq, anartarfilerinermi atortorineqartunut s.a. puussianut anartarfimmeersunut, tamannalu peqqinnissaqarniarnermiit isigalugu illersorneqarsinnaanilu akuerineqarsinnaanngilaq.

Naalackersuisut eqqaaveqarnermut sanaartugassanut immikkoortuni pilersaarummini nalilerpaat, pisariaqartitsisoqartoq, eqqaaviit nakkutigisaalluartumik aqqissuunneqassasut avatangiisit eqqarsaatigalugit akuerisaanissaat anguniarlugu. Avatangiisinut akuersissut piumasaqaatinik assigiinngitsunik imaqassaaq, qulakkeerumallugu, eqqaaviit ingerlanneqarnerat aqqissugaanerallu peqqinnissaqarnikkut aammalu avatangiisinut mingutitsissutaanngitsumik sananeqassasut.

Apeqqut uaniippoq, ilumut inatsisikkut tunngaviit inissilluaqqanersut, aammalu aningaasartuutigissamaakkat qanoq annertutigissanersut eqqaaviit allangortiterlugit nuussorlugilluunniit nutamik aqqissoqqinneqarnissaat eqqarsaatigalugu, s.a. eqqaavinnik nutaanik nakkutigilluakkanik taarserneqassappata peqqinnissaqarnikkut avatangiisinullu mingutitsissutaanngitsumik ingerlanneqarlutillu aqqissugaassappata.